

修訂日期: 2004/10/21 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1158

原始資料: 蕭鎮國大德提供, 北美某大德提供

No. 1158

地藏菩薩儀軌

中天竺輸婆迦羅奉 詔譯

爾時釋迦牟尼佛。在[彳*去]羅提耶山。與無量諸地藏菩薩十俱胝比丘比丘尼及天龍八部諸鬼神俱無量百千大眾圍繞而為說法。爾時大眾中有一大士名曰地藏。偏袒右肩右膝著地。合掌恭敬白佛言。我說神呪欲利益一切眾生。唯願世尊欲說神呪。慈悲聽許。時佛告地藏菩薩言。汝等速說利益一切有情。

爾時地藏菩薩騰虛空讚歎歸命世尊。在空中亦現無量神通。以神口說呪曰。

唵闍摩他[口*闍]摩爾俱苾俱苾三曼多娑婆賀

次說心呪。

唵炎曼他啗娑婆賀

次心中心呪。

唵礪呬(二合)

纔說此呪。十地等大菩薩。失本心迷惑。天龍八部藥叉鬼神驚走倒地。日月星宿失光隱蔽空。雨寶華繽紛。窮劫說呪力不可說盡。

次說畫像法。作聲聞形像。著袈裟端覆左肩。左手持盈華形。右手施無畏令坐蓮華。復居座大士像頂著天冠著袈裟。左手持蓮華茶。右手如先令安坐九品蓮臺(傳云九品者九重也亦云八葉中臺也)。

次說印呪印二羽三補吒。戒方內掌來去。呪曰。

唵炎摩智利娑婆賀

次說普供養印。二羽三補吒。禪智立來去。

唵喃惹摩尼娑嚩賀

次總說總印。二羽三補吒。進力立來去。呪曰。

唵[口*羯]只儺耶娑嚩(二合)

賀

次請讚印。二羽三補吒。進力來去次撥遣以觀手禪進彈。

復說成就法。若念得大福德。持阿迦木護摩七萬遍。若念得五穀成就。以稻實華護摩。若念他人福德。取得其家竈土護摩。若念得高位二德。以比哩華護摩。若念生生世世怨敵伏。以苦練木護摩。若念惡靈邪家伏。以毒味護摩。若念顛狂痾病除愈。蓮實草護摩。三萬遍。若念滅罪生善生身後生極樂以草護摩三萬遍。若念惡人呪咀還

著本人。以苦草投火中護摩三萬遍。若念得無量榮果俸祿。白華鳥草護摩三萬遍。若念三昧辨財德者。以骨婁草護摩三萬遍。若念化度一切眾生令離苦得樂。以白芥子護摩三萬遍。若念化度無佛世界眾生。以尸迦草護摩三七萬遍。若念枯田畠五穀生者。加持古蔓菁。加持散。若愁萬病者。牛膝草護摩三萬遍。若愁三陰四熱種種病。以降乾各門草護摩。若夫妻不和者。比罪草護摩三萬遍和合。若惡友善友相違者。藤葉草護摩三萬遍。若白月八日十四日。十五日以上法修必得成就。

地藏菩薩儀軌